


სპორტიელი



სპორტული გაზეთი პარასკევი 25 აპრილი 2008 №093 (3317)

ფასი 50 თეთრი



**მთა
არველას
კლავიო
კანიჯას
გაახილებს**

ტრადიციას 10 დღე მოაკლდა თასივ ახალია და თარიღივ

გადაწყდა: საქართველოს თასის ფინალი ტრადიციული 26 მაისის ნაცვლად, 10 დღით ადრე, 16 მაისს ჩატარდება.

ამგვარი ცვლილების მიზეზი სანაკრებოა. შეგახსენებთ, რომ 27 მაისს ჩვენი ნაკრები ტალინში ესტონეთის ეროვნულ გუნდს ხვდება და პროფესიული ფეხბურთის ლიგის გამგეობის სხდომაზე ამ ორი მატჩის დაშორებობა გადაწყდა.

საქართველოს თასი აქამდე 17-ჯერ გათამაშდა და 17 ფინალიდან მხოლოდ ორი იყო, დამოუკიდებლობის დღეს რომ არ ჩატარებულა...


1990 წელს თასის პირველი ფინალი 18 ნოემბერს გაიმართა და ლანჩხუთის „გურიამ“ სოხუმის „ცხუმს“ 1:0 მოუგო.

მომდევნო 14 ფინალი 26 მაისს გაიმართა, შარშანწინ კი „ამერმა“ „ზესტაფონს“ პენალტების სერიით რომ მოუგო, 13 მაისი გახლდათ.

შარშან ფინალი ისევ 26 მაისს გაიმართა და ახლა თარიღში აცდენილი მესამე ფინალი იქნება.

და ერთ მნიშვნელოვან ფაქტსაც შეგახსენებთ: საქართველოს თასი წინა ფინალის მომგებ „ამერს“ სამუდამო მფლობელობაში რომ გადაეცა, პროფლიგამ საამსეზონოდ ახალი თასი დაამზადა.

ამის თაობაზე რამდენიმე კვირის წინაც გვეწერა, დღეს კი პროფლიგის ოფისში ახალი თასის პრეზენტაციაა.




კვარაცხელია აბსოლუტური პრეზიდენტია

გუშინ სამეგრელოს რეგიონალური ფეხბურთის ფედერაციის საპრეზიდენტო არჩევნები ჩატარდა. კანდიდატურა კვლავ წამოაყენა წინა პრეზიდენტმა, ყოფილმა მსაჯმა სერგო კვარაცხელიამ და ასპროცენტისანი შედეგითაც მოიგო – 29 დელეგატიდან 29 ხმა მიიღო!



**როკის
სოლისტს
ევროპაში
რიგი დაუდგა
ინტერვიუ ბიორბი
ცინცაქუსთან**

სპორტი გაემორცხსულია!



მაისის ბოლოს საქართველოს ეროვნულ ნაკრებს ორი ამხანაგური მატჩი ელის — ესტონეთსა და პორტუგალიაში.

მოგეხსენებათ, ჩვენი ნაკრები მთავარი მწვრთნელის გარეშეა და ითქვა, რომ თუ ამ მატჩებამდე არ მოესწრო ახალი მწვრთნელის დანიშვნა, ამ მატჩებში გუნდს ახალგაზრდული ნაკრების ხორვატი თავკაცი პეტარ სერტი გაუძღვება.

ამ იმფორმაციის გადასამოწმებლად ფეხბურთის ფედერაციის გენერალურ მდივან უჩა უგულავას შევეხმიანეთ...

„ვუ გამოვიცხვლია, ამ მატჩებამდე საქართველოს ნაკრებს აუცილებლად ეყოლება ახალი მწვრთნელი“ — გვითხრა უგულავამ.

ტურის მთავარი ცხრილის ბოლოშია



**გრაზილიელთა
ქართული
ფიქრი: ჯარ
ოქრო, მერა
შვილი
შორჟის და რენატოს
თბილისური დღე**



პირველ წრეში ზუგდიდის „მგლებს“ და „ამერის“ თამაში თბილისელებმა გიორგი დავითიძის გოლით მოიგეს

დღეს-ხვალ ეროვნული ჩემპიონატის მატჩებია

გადიანი კამერალაპის ფოტო

ლევან ყიფიანის რა. სად. როდის

ბუზინი „ჩვენი ფეხბურთის“ ერთ-ერთმა დამფუძნებელმა ლევან ყიფიანმა ურნალისტები მივეწვია და რამდენიმე საკითხზე ისაუბრა...

„ჩემი მეგობრების მიმართ ბრალდებები ისმის. ისეთი ტენდენცია ჩამოყალიბდა, რომ შავი პიარის აგორება სურთ. ვაიოზ დარსაძის მწვერთვლობას რატომ დავუჭირე მხარი? თბილისის „ლოკომოტივის“ გენერალური დირექტორი ვაზლდით, დელეგატის მანდატი მქონდა და აღმასკომის წევრი ვიყავი. „ლოკომოტივის“ პატრონები ფედერაციის ხელმძღვანელ ნოდარ ახალკაცს უჭერდნენ მხარს და მეც ამ კლუბს წარმოვადგენდი. აღმასკომის სხდომაზე რომ მივედი, არ ვიცოდი, რომ მწვერთვლის საკითხი იხილებოდა. არადა, დღის წესრიგი დელეგატებმა წინასწარ უნდა იცოდნენ. ეს ვუთხარი კიდეც ახალკაცს. მან თქვა, რომ ფინანსები არ მქონდა და ცაიტლოში იყო, დარსაძე უნდოდა ნაკრების მთავარ მწვერთველად და მთხოვა, მხარი დამეჭირა. ისიც თქვა, რომ დარსაძეს დროებით ნიშნავდა და შემდეგ შეირჩეოდა ახალი მწვერთველი. ვიმორჩილ: მე წარმოვადგენდი „ლოკომოტივს“. თავს არ ვიშინებ, ასე იყო, ამას ნოდარ ახალკაცაც დაადასტურებს. იმასაც მბრალდებენ, როცა ფეხბურთის ფედერაციაში ბავშვთა ფეხბურთის დეპარტამენტს ვხელმძღვანელობდი, თურმე არაფერი გაკეთებულა. 1998



არჩილ არველაძე, ბატა ბურჯალიანი და რევაზ არველაძე

ფონდი და პარსკვლავები არველაძეები სტუმრებს ჩვენებს არველაძეებს

შოთა არველაძე რომ ფეხბურთის კარიერას ამთავრებს და ამასთან დაკავშირებით ვარსკლავურ გამოსამშვიდობებელ მატჩს აწყობს, ერთხელაც შეგახსენებთ. ვარდა ამისა კი, ძმები არველაძეები ამ დღეებში კიდევ ერთი კარგი საქმით არიან დაკავებული — რეზონანსი და შოთამ ქართული ფეხბურთის განვითარებისა და ხელშეწყობის ფონდი შექმნეს, რის პრეზენტაციასაც უახლოეს მომავალში სასტუმრო „მეტეხში“ მოაწყობენ...

რა და როგორ იქნება შოთას გამოსამშვიდობებელი მატჩისას? რა მიზანს მოემსახურება არველაძეთა ფონდი? ამ და სხვა კითხვებზე რეზონანსი და არჩილმა, ასევე საქართველოს პროფესიული ფეხბურთის ლიგის გენერალურმა მდივანმა პატა ბურჯალიანმა გუშინ კაფე „მსოფლიო სპორტში“ გამართულ პრესკონფერენციაზე გვიასახულებს...

იქნება საქველმოქმედო და ქართული ფეხბურთის მაქსიმალურად ხელშეწყობი. ჩვენი საქმიანობა სწორედაც ქველმოქმედებაა და ქართული ფეხბურთის მაქსიმალური მხარდაჭერა, ორიენტირებული ვიქნებით ჭაბუკთა და ბავშვთა ფეხბურთზე.

საქველმოქმედო ფონდის შექმნის იდეაც ჩვენი საქმიდან გამომდინარე დაიბადა. ადრე რაც კი ქართული ფეხბურთის წინსვლისთვის გავკვიტებოდა, ცოტა არ იყოს, არაორგანიზებული და სპონტანური ხასიათისა იყო, თუმცა ისეთი შედეგები მივიღეთ, გადაწყვიტეთ, ეს ყველაფერი სოლიდური სახით წარმოვედგინა.

ფონდის ხელმძღვანელები ჩვენ, ძმები არველაძეები ვიქნებით. როგორც ცხოვრებაში ძმებს შორის უფროს-უმცროსები არ ირჩევა, ასევე იქნება ფონდში საქმიანობისას.

3 ივნისის გამოსამშვიდობებელ მატჩში შოთას მეგობრებისა და საქართველოს ნაკრების სხვადასხვა თაობის გუნდები შეხვედებიან ერთმანეთს. მატჩი ერთნაირ სტადიონზე ჩატარდება და, იმედი გვაქვს, მართლაც დაუვიწყარი სანახაობა გამოვა. ამ შეხვედრის ორგანიზატორთა ყველაანარი რესურსი სწორედ ამისკენ არის მიმართული.

ბევრმა სოლიდურმა კომპანიამ გამოთქვა საამპატრიოდ ჩვენთან თანამშრომლობისა და სპონსორობის სურვილი, მაგრამ მათ ვინაობის ვერ ვერ დაავასახელებ. შეუთანხმებლად თქმა უნებრულია. თუმცა ერთს დღეც ვიტყვი, ატელიე 10a 2 ივნისს ჩვენებს მოაწყობს და ყველა იმ ვარსკვლავს მიიწვევს, რომლებიც შოთას გამოსამშვიდობებელი მატჩისთვის თბილისში იქნებიან.

გვესურს, რომ სტუმრებმა თბილისში მაქსიმალურად სასიამოვნო დრო გაატარონ.

გამოსამშვიდობებელი მატჩი, ცხადია, საქველმოქმედო არის და შემოსული თანხაც არველაძეთა საქველმოქმედო ფონდში გადაირიცხება.

საქართველოს ნაკრების მწვერთვლები ქართველები იქნებიან, ისინი ერთნაირ გუნდს ადრეც თავკაცობდნენ.

არჩილ არველაძე: ჩვენ რაც გვიცხოვრია, ფეხბურთით გვიცხოვრია და სხვანაირად არც მომავალში იქნება. გვესურს, მაქსიმალურად დავეხმარო ჩვენს ფეხბურთს. არველაძეთა ფონდი იმუშავებს ყველა მიმართულებით, რაც კი ფეხბურთთან არის დაკავშირებული და იმედი გვაქვს, ამ ფონდის საშუალებით ქართველი ფეხბურთელები თუ მწვერთვლები უმაღლეს სიმაღლებს მიაღწევენ. საამისოდ არველაძეთა ფონდი ძალდონეს არ დაიშურებს და ყველაფერს გააკეთებს.

შოთას გამოსამშვიდობებელ მატჩზე ჩამოსვლის სურვილი კიდევ ბევრმა ისეთმა ვარსკვლავმა გამოთქვა, მათგან თანხმობას რომ არ ველოდით. დღეს მათ გვარებს არ დავასახელებთ, მოდით, სიურპრიზი იყოს...

პრესკონფერენციაზე არ თქმულა, მაგრამ წუხელ კი გავიგეთ, რომ შოთას 3 ივნისის მატჩზე აუცილებლად ჩამოვა ერთ-ერთი დიდი არგენტინელი, შოთას მეგობარი კლავდიო კანიჯა, ვისთან ერთადაც ჩვენთან შოტლანდიელი „რეინჯერსში“ თამაშობდა. კანიჯამ ჩამოსვლაზე დასტური უკვე გამოავაზა.

ლაშა ნოზაძე გოლებს შეეჩვია

ლაშა ნოზაძე ყარაგანდის „შახტიორში“ მიჯრით მეორე მატჩში გაიტანა, თუმც რევაზ მოძუაშვილის გაწვრთნილმა გუნდმა მანინც წააგო ყაზახეთის თასის მეთხედფინალი — ალმატიში „ქაირათთან“ 1:0-წუთიანი შერკინება 1:1 დასრულდა, პენალტების სერიამი კი „ქაირათმა“ 5:4 იმარჯვა.

ლაშამ ანგარიში გახსნა პირველ ტაიმში — მეკარის მოგერიებულ ბურთს დაამატა.

ტვილად, „ბოლესლაგ B-ში“ უწევს თამაში და გუშინაც სრულად იბურთავა „დასტენსთან“ 5:0 მოგებულ შეხვედრაში. შევიცარიაში „ციურიხის“ 21-წლამდელთა გუნდმა „სენტ გალენს“ 5:1 სძლია, გიორგი ივანიშვილმა 83 წუთი ითამაშა და ამჯერად უგოლოდ დატოვა მინდორი...

ილია ნანობაშვილი

დანია, ჩეხეთი, შვეიცარია: ქართველებს პატარა ამბები

საქართველოს ახალგაზრდული ნაკრების მცველი გიორგი ფოფხაძე „ვიბორგის“ ძირითად შემადგენლობას დაუბრუნდა და 90 წუთი ითამაშა „ოლენსესთან“ გასვლით მატჩში. ჩვენიანის გუნდმა 0:1 წააგო, თორმეტგუნდა ჩემპიონატში მეთერთმეტეხუთა და გავარდნას ვეღარ გადაურჩება.

გიორგი განუგრავემ სულ ოთხი მატჩი ჩაატარა ჩეხური „ბოლესლაგის“ ძირითად შემადგენლობაში, მე-

ტილად, „ბოლესლაგ B-ში“ უწევს თამაში და გუშინაც სრულად იბურთავა „დასტენსთან“ 5:0 მოგებულ შეხვედრაში.

შვეიცარიაში „ციურიხის“ 21-წლამდელთა გუნდმა „სენტ გალენს“ 5:1 სძლია, გიორგი ივანიშვილმა 83 წუთი ითამაშა და ამჯერად უგოლოდ დატოვა მინდორი...

ტილად, „ბოლესლაგ B-ში“ უწევს თამაში და გუშინაც სრულად იბურთავა „დასტენსთან“ 5:0 მოგებულ შეხვედრაში.

შვეიცარიაში „ციურიხის“ 21-წლამდელთა გუნდმა „სენტ გალენს“ 5:1 სძლია, გიორგი ივანიშვილმა 83 წუთი ითამაშა და ამჯერად უგოლოდ დატოვა მინდორი...

საქართველოს 19 ჩემპიონატი

პირველი ლიგა 24 ტური

კლუბი	პატი	დანი	გეგ	გეგ	გეგ	გეგ	გეგ
დინამო	23	12	5	6	34:18	41	23
სპორტო	23	11	6	6	37:29	39	23
ოლიმპი	23	8	8	7	30:26	32	23
კახეთი	24	9	4	11	36:36	31	24
ამერი	23	8	2	13	33:36	26	23
ოლიმპი	24	5	4	15	31:50	19	24
ნ.ღინ-მერანი	2	24	0	6	18:17:65	6	24

საქართველოს 2007-2008 წლის ფეხბურთის ჩემპიონატი

პირველი ლიგა

კლუბი	პატი	დანი	გეგ	გეგ	გეგ	გეგ
დინამო	24	13	6	5	51:36	45
მეზაქრე	24	12	8	4	32:19	44
დინამო 2	24	12	7	5	33:19	43
ვიტ ჯორჯია 2	23	12	5	6	34:18	41
ჩხურა	23	11	6	6	37:29	39
ოლიმპი 2	23	8	8	7	30:26	32
კახეთი	24	9	4	11	36:36	31
ამერი 2	23	8	2	13	33:36	26
ოლიმპი	24	5	4	15	31:50	19
ნ.ღინ-მერანი 2	24	0	6	18	17:65	6



„მერანი“ — „ლოკომოტივი“ ბრძოლა გადამსარჩენად

გაჭირვებულთა ტური

დღეს-ხვალ თამაშნაკლული ტურია, რადგან ლიდერმა „დინამომ“ გუშინწინ 5:1 მოუგო გადმოღებულ მატჩში ახალციხის „მესხეთს“ და მდევრებთან სხვაობა 7 ქულით გაზარდა. მდევრები კი „ვიტ ჯორჯია“ და „ზესტაფონი“ არიან, რომლებსაც, ერთი შეხედვით, იოლი თამაშები აქვთ, თუმცა ისეთ გუნდებს ხვდებიან, ქულები ჰაერით რომ სჭირდებათ.

„ვიტ ჯორჯია“ ზღვისპირეთს ესტუმრება და არა გვერდით, დასასვენებლად მოიცალოს — „ბათუმს“ კიდეც აქვს ელიტაში დარჩენის შანსი და სტუმრებს გულთბილ მასპინძლობას ვერ გაუწევს თავის მხრივ, დასაკარგი ქულები არც ვეტერინარებს აქვთ, თორემ უფასო თასზე მოხვედრის გზას ინტერტოტოთი დაიგროვებენ. ამასთან, ჩემპიონობის ნაპერწკალი და თეორიული შანსი ჯერ კიდევ შერჩათ.

მსგავს სიტუაციაშია „ზესტაფონიც“. იმერლები ცხინვალის „სპარტაკს“ ესტუმრებიან. მათი საჩემპიონო მინიმალური შანსები თავიანთ თავსა და „ლოკომოტივს“ — „დილაზე“ დამოკიდებული. თავად ზომუნდა მოუგოს „დინამოს“ და მერე აუტსაიდერების იმედადაც უნდა იყოს.

„სპარტაკს“ კი უფრო ფრის იმედი უნდა ჰქონდეს, რადგან გუნდს შეტევაში აშკარად უჭირს, ძირითადად, ერთი თავდამსხმელით თამაშობს და იმერლებთან ისიც დისკვალიფიცირებულია. მათი ამოცანა უფრო საკუთარი კარის უსაფრთხოება იქნება.

წესით, ერთ-ერთი ყველაზე საინტერესო მატჩი „მერანი“ — „ლოკომოტივი“. აკი, სწორედ ეს მატჩი ამოარჩია ტელეკომპანია „კოლხიდამ“ პიდაპირი ტრანსლაციისთვის, თუმცა, ბოლოდროინდელ ფაქტებს თუ გავითვალისწინებთ, ვეჭვობთ, პრინციპული გამოდგეს.

„მერანს“ ბოლოსკენ საქმეები აერია და თამაშებზე ჭაბუკთა გუნ-

დით დადის. ცქტიშვილი-დარასელი-ალექსიძის ტრიოს კი არ უნდა გაუჭირდეს უწვერულვაშო ყმაწვილებთან განაჯარღება და ასეთ შემთხვევაში ფავორიტად „ლოკო“ მოჩანს. თუ მოასწრო და დალაგა „მერანმა“ საქმეები, მაშინ, იცოცხლე, კარგი ჯახი გამოვა, მერამ... მოიგებს „ლოკომოტივი“ და ელიტიდან გავარდნას თავიდან აიცილებს, „მერანი“ კი, პირიქით, რომ იტყვიან, უკვე იქაურია.

მოიგებს „მერანი“ და ბოლო ტურები კიდევ უფრო დაიძაბება. იგივე იქნება ფრის შემთხვევაში.

ალბათ, კიდევ ერთი ტურით გაინანგრძლივებს ელიტაში ყოფნას გორის „დილა“. ალბათ, იმიტომ, რომ „ბორჯომი“ თასის ნახევარფინალისთვის ემზადებიან. „დილასთანაც“ — სარეზერვო გუნდი და მისი ჯანი.

„ამერი“ გლდანში ზუგდიდის „მგლებს“ უმასპინძლებს და, სავარაუდოდ, მეოთხე ადგილს შეინარჩუნებს.

	ბათუმი — ვიტ ჯორჯია	
მსაჯები: ა. კრიჭავილი, დ. კვეციანი, ზ. ხუციშვილი, პ. დოგრაშვილი		
	გორი — დინამო	
მსაჯები: ლ. ფანიაშვილი, ბ. ჭიჭინაძე, ზ. ფიფია, ვ. ელისაბედაშვილი		
	მთიანეთი — აგერი — მგლები	
მსაჯები: მ. ურუშაძე, ლ. მიქელაძე, გ. ყრუაშვილი, დ. ხარიტონაშვილი		
	გორაკოში — დილა	
მსაჯები: კ. ჭაჭუა, ნ. რუსიშვილი, ი. მაჩიტაძე, გ. კვიციანიშვილი		
	ზესტაფონი — მერანი	
მსაჯები: გ. ვადაჭკორია, დ. ხანოძე, ლ. თოდრა, ლ. სილაგაძე		
	სპარტაკი — ზესტაფონი	
მსაჯები: ა. ნონიკაშვილი, ზ. მენტეშაშვილი, ზ. ჯვარიძე, ზ. ასკაროლი		

უნებს. მართალია, ზუგდიდელებმა სადებიუტო სეზონში კბილები აკრატუნეს, მაგრამ დღევანდელ ჯახში „ამერი“ მაინც ფავორიტია.	დინამო	23	20	1	2	58:13	61
„მგლებმა“ სეზონი მისთვის დამაკმაყოფილებლად ჩაატარა და, შესაძლოა, ისე მოხდეს, მომავალ სეზონში ზუგდიდისავე „ბაისთან“ გაერთიანებით, კიდევ უფრო მოუმატოს და უკეთესი გუნდი იყოს.	ვიტ ჯორჯია	22	17	3	2	40:10	54
კიდევ ერთი მატჩი ბოლნისშია, სადაც რუსთავეის „ოლიმპი“ სტუმრობს.	ზესტაფონი	22	17	3	2	51:12	54
ამ მატჩს ცხრილში რისი შეცვლა შეუძლია? „სიონს“ შანსი უჩნდება, ერთბაშად ორ გუნდს გადაასწროს, „ოლიმპი“ კი ამ შემთხვევაში მეხუთეზე დარჩება.	ამერი	22	13	2	7	41:24	41
მიხეილ შორჟოლიანი	ოლიმპი	22	12	4	6	21:15	40
დისკვალიფიცირებულნი:	მესხეთი	23	9	5	9	24:28	32
ალბერტ საყვარელიძე (დილა), ჯაბა ბერიანიძე (დილა), ლევან ბაჯელიძე (სიონი), მაშუკა ლონდაძე (სპარტაკი), კარენ მაკარიანი (ბათუმი), თემურ ფარულაძე (ლოკომოტივი), ზვიად ჩხუთიანი (ლოკომოტივი), ნიკა გუშარაშვილი (ლოკომოტივი), ლევან თედიაშვილი (ბორჯომი), ვია მეგრულაძე (ბორჯომი), ალექსანდრე კვანაძე (ვიტ ჯორჯია), მურთაზ კაკაბაძე (მგლები), ლევან ვარიაგაძე (მგლები), ლერი ზოზონიშვილი (მგლები).	ბორჯომი	22	8	4	10	25:27	28
	მგლები	22	8	3	11	21:24	27
	სიონი	22	7	5	10	23:30	26
	ლოკომოტივი	22	5	5	12	15:26	20
	სპარტაკი	22	4	6	12	8:23	18
	მერანი	22	5	1	16	12:45	16
	ბათუმი	22	4	3	15	13:41	15
	დილა	22	1	5	16	8:44	8

ვის გაუთენდება გორული დილა?

ვის გაუთენდება საქართველოს ჩემპიონი? ეს კითხვა 22-ე ტურის „ვიტ ჯორჯია“ — „დინამოს“ (0:0) მერე ნაკლებ საინტერესოა. უფრო სწორად, მასზე პასუხის გაცემა გაადვილდა, რაკი „დინამოს“ ჩემპიონების ალბათობა მეტისმეტად დიდია.

რისი იმედი შეიძლება ჰქონდეთ ჩემპიონობის სხვა მაძიებლებს, „ვიტ ჯორჯიასა“ და „ზესტაფონს“? პირველ რიგში იმისა, რომ დინამოელები ზესტაფონში წააგებენ 24-ე ტურის მატჩს, ხოლო ბოლოსწინა ტურში „ლოკომოტივთანაც“ დაკარგავენ ქულებს. თორემ ბოლო ტურის იმედი დინამოელთა მდევრებს არ უნდა ჰქონდეთ — „დინამო“ იმ დროისთვის უკვე გავარდნილ გორის „დილას“ უნდა შეხვდეს და სენსაციური, აბა, რა უნდა მოხდეს...

„დილა“ ბოლო ტურის წინ უკვე გავარდნილად მოვიხსენიეთ და ქვემოთ ამის დასა-

ბუთებასაც შევეცდებით და სეზონის ბოლოს დანარჩენი გავარდნილების ვინაობის გამოცნობასაც.

ამ წუთისთვის იმ გუნდთა სატურნირო მდგომარეობა, გავარდნა რომ ემუქრებათ, ასეთია:

ლოკომოტივი	20
სპარტაკი	18
მერანი	16
ბათუმი	15
დილა	8

გათამაშების რეგლამენტიც გავიხსენოთ: ბოლო სამი გუნდი პირდაპირ ვარდება პირველ ლიგაში, ბოლოდან მეოთხე კი გადათამაშებაში შეხვდება პირველი ლიგის მეორე გუნდს.

ცხრილიდან ჩანს, რომ გორელებს გადათამაშებამდეც კი 10 ქულა ამორებათ და დარჩენილ ოთხ ტურში მათგან ამხელა ჩამორ-

ჩენის აღმოფხვრა ფანტასტიკის სფეროს განეკუთვნება. უფრო ლოგიკურია, ჩათვალოთ, რომ „დილა“ უკვე 23-ე ტურში გაინადლებს საბოლოოდ გავარდნას.

საფრთხის წინაშე მდგარი სხვა გუნდების განრიგი კი ასეთია:

„ლოკომოტივი“: „მერანი“ (ს), „სპარტაკი“ (შ), „დინამო“ (ს), „ბათუმი“ (შ);

„სპარტაკი“: „ზესტაფონი“ (შ), „ლოკომოტივი“ (ს), „დილა“ (შ), „ოლიმპი“ (ს);

„მერანი“: „ლოკომოტივი“ (შ), „დილა“ (ს), „ოლიმპი“ (შ), „სიონი“ (ს);

„ბათუმი“: „ვიტ ჯორჯია“ (შ), „მესხეთი“ (ს), „ზესტაფონი“ (შ), „ლოკომოტივი“ (ს).

ძალთა ობიექტური თანაბრობის გათვალისწინებით, გადარჩენის შანსი არც „ბათუმს“ უნდა ჰქონდეს, რადგან ლოგიკურად, ოთხივე თამაში უნდა წააგოს.

„მერანისთვის“ ქულების დაგროვების შანსად „დილასთან“ გამარჯვება ჩანს. შესაძლოა, ბოლნისიდანაც წაიღონ ქულა მაინც, რაკი „სიონისთვის“ სეზონი პრაქტიკულად დამთავრდა და თუ მერანელებმა ეს მოახერხეს, ეგებ „სპარტაკსაც“ შეეცილონ საპლეიოფო ადგილში.

აი, ლევან ცქტიშვილით, ვიტალი დარასელითა და რატი ალექსიძით გაძლიერებულ „ლოკომოტივს“ კი თავი ქულში უნდა ჰქონდეს. სამი მეტოქე ისეთი ჰყავს, წესით და რიგით, რომ უნდა დაამარცხოს. ეს კი უმაღლეს ლიგაში დასარჩენად საყვარელით საკმარისი იქნება. აი, „დინამოსთან“ მატჩი... თუმცა ამაზე ზომ უკვე ვთქვით — დინამოელებისთვის საჩემპიონო რბოლის ბოლო შემჩერებული „ლოკომოტივი“ თუ იქნება...

გიორგი ღარჯანიანი



დაცვის სწავლა უფრო ადვილია კოპა შორშიკაშვილისთვის უიმილოა პირველი მტერია

საქართველოს ეროვნული ჩემპიონატის ცხრილს თუ გადახედავთ, იოლი მისახვედრია, რა რთული ბრძოლები ელით გუნდებს უმაღლესში დასარჩენად. ერთ-ერთი მათგანი ცხინვალის „სპარტაკია“. სხვა აუტსაიდერებისგან განსხვავებით, ცხინვალელები უფრო ჩაკეტილ ფეხბურთს თამაშობენ, გოლებსაც სხვებზე ნაკლებს უშვებენ, თუმცა გატანითაც ცოტა გააქვთ...



მურამ დილმანაშვილის ფოტო

რადღაც გეგმები და იმედები აქვთ ცხინვალელებს დარჩენილ ოთხ ტურში, ამის თაობაზე მწვრთნელ კოპა შორშიკაშვილს ვესაუბრეთ...

— ძალიან რთულ სიტუაციაში ვართ, თამაშებიც არ გველის იოლი, ორი მატჩი ლიდერთან გვაქვს („ზესტაფონი“, „ოლიმპი“), ორიც კონკურენტებთან („ლოკომოტივი“, „დილა“), თუმცა შევეცდებით, ბოლომდე ვიბრძოლოთ და სამართლიანად დავრჩეთ უმაღლეს ლიგაში.

— როგორ ფიქრობთ, დარჩენილ ოთხ ტურში რამდენი ქულა იქნება საჭირო ამ მიზნის მისაღწევად?
— პროგნოზების გაკეთება ძნელია. მარტო ჩვენი ქულები კი არა, მეტოქეებისაც უნდა ვითვალთ. ვინ რამდენს მოიპოვებს, არ ვინ იცის.
— ფიქრობთ, რომ ბოლო ტურებში, შესაძლოა, გუნდებმა ერთმანეთს ქულები დაუთმონ?
— გამოიცხადებული არაფერია. მე ერთი ვიცი, ჩვენ სამართლიანად და პატიოსნად ვითამაშებთ.
— „სპარტაკის“ პრობლემა შეტევაა — გუნდს ყველაზე ცოტა გოლი აქვს გატანილი...

— ეს ყველა სახელდახელოდ შექმნილი გუნდის პრობლემაა. შეტევი ფეხბურთის სწავლებას შემსრულებელი და დრო სჭირდება, ჩვენ კი ამის დეფიციტი გვქონდა. როდესაც გუნდმა შეტევითი ფეხბურთის თამაში დაიწყო, მაშინ დავკარგეთ ირაკლი ჩირიკაშვილი და დავით ჯანელიძე. იძულებულნი ვავხდით, გუნდი ხელახლა გავგვეკეთებინა, დაცვითი ფეხბურთი კი უფრო მალე ისწავლება და, რაც შეეძლებოდა, ეს არის თუ მეტი ფინანსები და დრო გვექნება, სამომავლოდ სიტუაციის გამოსწორება ადვილი იქნება.

— იმედიანი ჩანხართ...
— უიმილოა პირველი მტერია. აუცილებლად შევეცდებით, უმაღლესში დავრჩეთ.

მიხეილ შორშიკაშვილი

მალაროელი გადაჩრა პირველი ლიგის ლიდერს დავლა ემუქრებოდა

საქართველოს ჩემპიონატის პირველი ლიგის დასაველეთის ზონის ლიდერ ჭიათურის „მალაროელზე“ ცოტა ხნის წინ ითქვა, ფინანსური პრობლემები აქვს და, შესაძლოა, დაიშალოსო. არადა, ჭიათურელებმა უკვე მოიპოვეს პლეი ოფის საგზური და აღმოსავლეთის ზონის გამარჯვებულს ელიან. გუშინ „მალაროელის“ მთავარ მწვრთნელ ბადრი ბრეგვაძეს შევეხ-

ნიანეთ, რომელმაც გვითხრა: „სერიოზული პრობლემა გვქონდა და ფინანსებისგან დაკავშირებით, მაგრამ, საბედნიეროდ, გამოსწორდა მდგომარეობა და ხელფას-პრემიების ნაწილი დარიგდა. ქალაქის ხელმძღვანელობამ და „ჭიათურმარ-განეცმა“ დიდი დახმარება გაგვიწიეს. მალე პლეი ოფი გველის და სერიოზულად ვიწყებთ მზადებას“.

ნუბრი ლოლამი
გვაზაპამ კოჭი მოიშუა
რუსულ პრემიერლიგაში მოთამაშე ვლადიმერ ლევიტოვის „ლუჩ-ენერჯის“ ქართველმა ლეგიონერმა ლევან გვაზაპამ ძირითად შემადგენლობასთან ერთად ვარჯიში განაახლა. ქართველ ნახევარმცველს კოჭი აწუხებდა და მე-6 ტურში გროზნოს „ტერეკთან“ სტუმრად 1:2 წაგებული შეხვედრის შემდეგ, რამდენიმე დღე არ უვარჯიშია. თუმცა ცსკა-სთან მოახლოებული თამაშისთვის სრულ მზადყოფნაში იქნება.

ბახა ზალაგზბერიძე

მართალია, შარშანდელთან შედარებაც არაა, მაგრამ ლევან კობიაშვილი ვერც ნლეულს გადაურჩა ტრავმებს, რის გამოც თებერვლის და მარტის სანაკრებო მატჩებიც გამოტოვა. კობის ბუნდესლიგის ბოლო ტურებშიც უქმობამ მოუწია, შაბათიდან კი ალბათ დაიწყებს — „შალკეს“ უპრინციპულესი მატჩი ელის „ჰამბურგთან“. ისე როგორ იქნებოდა, ლევანს ეროვნული ნაკრების თემაზე არ გავსაუბრებოდით...
„მოუთმენლად ველი ახალ მწვრთნელს. ყოველთვის, როცა ახალი სპეციალისტი მოდის, იმედებიც მოჰყვება“ — გვითხრა კობიაშვილმა.



ეროვნული ჩემპიონატი

ლევან კობიაშვილი: თანაბნედებს ტაქტიკური სისუსტე არ უნდა დააბრკალო

— ვერ წანმრთელობაზე გკითხავ: კუნთი კვლავ გაწუხებუნი?
— არა. პარასკევიდან გუნდთან ერთად ვვარჯიშობ, ოღონდ სრული დატვირთვა ორშაბათიდან დავიწყებ. იმედი, მეტს აღარ ვაწუხავლდე, ძალიან კი მომიშალა ნერვები ამდენმა ტრავმამ.
— შარშან მუხლი გაწუხებდა, წლელს კი კუნთმა გააწუხალა...
— წლელს უკვე მესამედ დამიშავდა კუნთი. კიდევ კარგი, ახლა გაჭიმული მქონდა, თორემ კიდევ რომ გაწუხებულიყო, არ ვიცი, ალბათ, კარგაზანს მომიწყვედა მკურნალობა. არადა, წლევანდელად კარიერაში კუნთის ტრავმა არ მქონია.


ვლელად „შალკეში“ ბრანკო ივანკოვიჩსაც თვლიდნენ. ივანკოვიჩი კი, ალბათ, იცი, საქართველოს ნაკრების მწვრთნელობის მთავარი კანდიდატია...
— ვერ გეტყვით. სლომკა რომ მოხსნეს, მაშინვე რუტენზე დაიწყო ლაპარაკი, ის იყო ფავორიტი. რაც შეეხება ივანკოვიჩს, ვიცი, რომ ჩვენს ნაკრებში ყველაზე რეალური მისი დანიშვნაა. ვინც უნდა იყოს მწვრთნელი, ფეხბურთელები გვერდით უნდა დავუდგეთ, თვითონაც მთელი მონდომება უნდა ჩააქსოვოს საქმეში.
— ფედერაციის ხელმძღვანელობას შენთვის არ უთხოვია, კავშირები გამოგეყენებინა მწვრთნელის საკითხში?
— ფედერაციის ხელმძღვანელობა „ბარსელონასთან“ ჩემპიონთა ლიგის მატჩზე იყო ჩამოსული გელზენკირხენში, ვისაუბრეთ, მაგრამ მასე არ ყოფილა საკითხი დაყენებული, რომ მე ვყოფილიყავი მწვრთნელის ამბავში ხაზის გამკვლევი. კარგი იქნება, მისის ბოლომდე მწვრთნელი გვეყავდეს — ორი ამხანაგური თამაშია, მწვრთნელი დააკვირდება ფეხბურთელებს, გაიცნობს სიტუაციას, უფრო მომზადებული შეხვდება შესარჩევ ციკლს.

— კეთილი. ჩამოვიდა მაღალკვალიფიციური მწვრთნელი, სული და გული ჩალო საქმეში, ნაკრების ფეხბურთელებს ტრავმები არ დაერიოთ — ამ შემთხვევაში, რისი იმედი უნდა გვექონდეს შესარჩევ ციკლში?
— რეალობას თვალი გავუსწოროთ. ბოლო პერიოდში ნაჩვენები შედეგის მიხედვით, ვერც ერთ მწვრთნელს ვერ მოსთხოვ, საქართველოს ნაკრები მსოფლიოს ჩემპიონატზე უნდა გაიყვანო. გასაგებია, რომ ამის სურვილი გვაქვს, მაგრამ ეს სურვილი აქვთ ჯგუფის სხვა გუნდებსაც. მიზნების დასახვა, უბრალოდ, ლაპარაკია, ლაპარაკს კი საქმე სჯობია. ჯგუფიდან გასვლა თუ გვინდა, ვიბრძოლოთ თითოეულ მატჩში და მიზანი თავისთავად გამოჩნდება. ძალიან მინდა, ისეთი მწვრთნელი მოვიდეს ნაკრებში, ვინც სიტუაციას დააღაგებს, დისციპლინას უმაღლეს დონეზე აიყვანს.
— შოთა არველაძემ და კახა კალაძემ თქვეს, ნაკრების ფეხბურ-

თელთა უმეტესობას ტაქტიკური განათლება აკლიათ. ეთანხმები მათ?
— მე არ ვარ იმის მომხრე, თანაბნედებულზე ასე ვილაპარაკოთ. მასე თუ ავიღებთ, გრანდების გარდა, ყველა ნაკრებში თუ კლუბშია ტაქტიკურად განვითარებული და ნაკლებად განვითარებული ფეხბურთელები. საქართველოს არც თუ სუსტი შემადგენლობა ჰყავს, აგერ, დავით კვიციანი და ლაშა სალუქვაძე რუსული პრემიერლიგის ლიდერ „რუბინში“ ძალიან კარგად თამაშობენ. უფრო სწორი დამოკიდებულება ის იქნება, თუ ყველა ფეხბურთელი, მათ შორის, კალაძეც და მეც, უფრო მეტს მოვიწოდებთ. ძლიერი და ნაკლებად ძლიერი მოთამაშეები ყოველთვის იქნებიან საქართველოს ნაკრებში, ამას ვერ შევეცვლით და ვერ გამოვიყვანდებით, ამის გამო თავის გამართლება არ იქნება სწორი.
— სხვათა შორის, ცოტა ხნის წინ მომავალი შესარჩევი ჯგუფის ექვსივე ნაკრების ნახევარმცველთა სტატისტიკა გამოვაქვეყნეთ და მათ შორის, ერთ-ერთი მოწინავე ხარ ნაკრებში ჩატარებული თამაშების მიხედვით...
— გასაგებია, წესით, მე უფრო მეტი პასუხისმგებლობა უნდა მეკისრებოდეს, ვიდრე, მაგალითად, ლევან ყენიას ან სხვა ახალგაზრდას, მაგრამ ერთი ფეხბურთელი გუნდის ნაწილია და არა მთელი გუნდი. დააკვირდით, ყველა თამაშის წინ ჯოხი მოყუდებულია სამოთხე ფეხბურთელზე, აბა, კობიაშვილი როგორ ითამაშებს, აბა, კალაძე როგორ ითამაშებს... ასეც არ შეიძლება. ნაკრებში არსებულ პრობლემებზე სხვებმაც უნდა ილაპარაკონ — თუ გაფუჭებულის გამო სწორება გვინდა, ასეა, თუ არ გვინდა, მაშინ სხვა ამბავია. ნაკრებში ჩატარებული თამაშების სტატისტიკაზე ისიც ვთქვათ, რომ დღეს საქართველოს ნაკრებში მოხვედრა ისე ადვილია, როგორც არსად სხვაგან. მეტი სიმკაცრე და პასუხისმგებლობა უნდა იყოს ფეხბურთელთა მიმართ, მწვრთნელების მიმართ. სამ მატჩს რომ ჩააგდებს ფეხბურთელი და მეოთხეში მინც ძირითადში დააყენებ, ასე ხომ არ შეიძლება...

ილია ნანოგაშვილი

უი, ის ხომ პარსკვლავია



I'M BECK IN MY BOY'S GOOD BOOKS

- **Dad Ted reveals rift is over**
- **David is trying for baby girl**

ყველაფერი წერილში დევიდ ბექემის მამა ტედი ბექემი გვიამბობს, თუ როგორ აღდგა მისი და მისი ზევარსკვლავ ვაჟს შორის ძველებურ-მამაშვილური ურთიერთობა. გულის შეტევას გადარჩენილმა, ჟურნალისტებს დასტურ განუცხადა, რომ ახლა უკვე მასა და ინგლისის ნაკრების ყოფილ კაპიტანს შორის შავი კატა აღარ დარბის.

კიდევ, მსოფლიოში ყველაზე ცნობილი ბავშვების ბედნიერმა ბაბუამ თქვა, რომ დევიდს ცხრა წლის ბრუკლინისთვის, ხუთი წლის რომეოსა და სამი წლის კრუსისთვის ერთი გოგონას შემატება სურს.

ერთი სიტყვით, ტედი თავისი ვაჟის ოჯახში უკვე მიღებული კაცია და ამ ოჯახის ყველა წევრთან — მიაქცივით ყურადღება, ყველასთან, თვით ვიქტორიასთანაც კი — ჩინებული ურთიერთობა ჩამოუყალიბდა.

„შემიძლია, დევიდს, ნებისმიერ დროს დაურეკო — ამაცობს მამა ბექემი — ახლა უკვე სამაგალითო მამაშვილობა გვაქვს და ამით ნამდვილად ვამაყობ“.

„მამ ასე, ტედი ბექემი ბედნიერია, მაგრამ მისი სიტყვებიდან ნათლად ჩანს, რომ ის და დევიდი მუდამ კარგ ურთიერთობაში როდი იყვნენ.“

რა პრობლემა ჰქონდა ბექემიანთ ოჯახს?

რა და ის, რომ 2001 წელს მამა ტედი დედა სანდრას გაეყარა, რა-

შიც შვილმა მამა დაადანაშაულა. ამის შემდეგ მამა-შვილს კიდევ უფრო წაუხდა საქმე: ტედი, როგორც ცნობილი კაცის მშობელმა, ავტობიოგრაფიული წიგნი გამოაცხო, სადაც რაღაც-რაღაც მეტისმეტად პირადულები გამოაშვებურა. ტედის წიგნში დევიდის ბავშვობიდან არის ერთი-ორი ისეთი ეპიზოდი, რომლის შესახებაც „ლოს ანჯელეს გალექსის“ ვარსკვლავს უჯობდა, არავის სცოდნოდა.

მერედა, 2000 წლის უდიდო ევროპის ჩემპიონატის შემდეგ შვილმა მამას საიდუმლოდ უთხრა, ფეხბურთიდან წასვლას ვაპირებო და ეს გულახდილი, კერძო ნათქვამი წიგნში ამოიკითხა...

მაგრამ შარშან 59 წლის ტედს გულმა შეუტია და დევიდიც ლოს ანჯელესიდან თავქუდმოგლეჯილი გამოქანდა მამის მოსაველელად და საპატრონოდ. ისე, გულმა შეუტიაო, კიდევ მსუბუქად არის ნათქვამი იმასთან შედარებით, რაც სინამდვილეში მოხდა: საავადმყოფოსკენ გზაზე ტედი ბექემი სასწრაფო დახმარების მანქანაში ფაქტობრივად მოკვდა, მაგრამ ცალკე სასწრაფოს ინგლისელი ექიმებისა და ცალკე საავადმყოფოს პერსონალისა და ქირურგების ჩარევით, მღვომარეობიდან გამოვიდა.

„ჩვენ რთული პერიოდებიც გვექონია, მაგრამ გულის სიღრმეში მე და დევიდს ყოველთვის განსაკუთრებული დამოკიდებულება გვექო-

ნდა ერთმანეთისადმი — ყველა მამა, რომელსაც „ბექემა“ ამერიკასა და ლუბაში, მის სკოლებში მასწავლებლობა სთხოვა — მუდმივად იყვნენ ისეთი ადამიანები, რომლებიც ცდილობდნენ, დევიდისთვის კვანძი გამოედოთ, მაგრამ ვერაფერს მიადწიეს და, როგორც ხედავთ, ჩემი შვილი ისევე მწვევრავლზეა. მას სამი არაჩვეულებრივი შვილი და ისეთი ცოლი ჰყავს, რომელიც დღენიდაც მის წახალისებაშია. ვიცი, ბევრი ფიქრობს, რომ ის სუსტი ნებისყოფის ადამიანია და სასაცილოდაც ლაპარაკობს, მაგრამ ასე არ არის.“

შემდეგ, ტედ ბექემმა ჟურნალისტებს კიდევ ერთი სიამაყის საბაბი გააჩინა.

„ჩემი შვილიშვილები ძალიან ცნობილი მშობლების შვილები არიან, მაგრამ ამ სტატუსს ღირსეულად უმკლავდებიან. ისინი ფიქრობენ, რომ მათი დედიკო მამიკოზე ცნობილია. ვიქტორია „სფაის გელზის“ ტურის დროს ერთ-ერთ კონცერტზე ვნახე და მართალია, ასეთ მუსიკაში მაინცდამაინც ვერ ვერკვევი, მაგრამ ამკარად ძალიან მაგარი იყო. გამიხარდა, როდესაც ვნახე, როგორ ესალმებოდა ხალხს.“

მაგრამ ეს ყველაფერი იმდენად გასაკვირი არ არის, რამდენადაც ის აღიარება, რომ ტედის საკუთარი შვილისა ერიდება.

„გნებავთ დამიჯერეთ, გნებავთ არა, მაგრამ ჩემი შვილის ვარკვ-



ეროვნული ინტელიტეხა

ლაობა, ცოტა არ იყოს, მირგუნავს. ეს ძალიან უცნაური შეგრძნებაა. თავიდან ფიქრობ, „ო, ეს ჩემი ბიჭია“, მერე კი „უი, ის სუპერვარსკვლავია...“

მაგრამ ბოლო ხანს დამთბარი ურთიერთობისა და სხვა სიკეთეების მიუხედავად, მამასა და შვილს შორის ერთი წინააღმდეგობა ამკარად არის: ტედს დევიდის ტატუები არ მოსწონს.

„აღრე ამბობდა, ცხოვრებაში ერთ ტატუსაც არ გავიკეთებო, მაგრამ გავიდა დრო და თავად ხედავთ, რომ მთელი სხეული მონატრული აქვს. თუ კიდევ ერთი შვილი არ გაუჩნდათ, იმედი მაქვს, მეტ ტატუს აღარ

დაიმატებს, მაგრამ დევიდს ძალიან უნდა, სამ ვაჟს ერთი გოგონაც რომ შემატოს“.

და ბოლოს, მამა ბექემი ამბობს, რომ მისი ვაჟი ფეხბურთის გიჟია და თავსაც იქებს:

„ის ფეხბურთით სუნთქავს, ფეხბურთთან ერთად ძინავს, ღვიძავს. სულერთი იყო, როდის დაგებუნდებოდი სამსახურიდან, ის დამხვდებოდა და მეუბნებოდა „წამო, მამა, ბაღში გავიდეო, ფეხბურთი ვითამაშოთ“ და მეც ისე ვიქცევიდი, როგორც ნებისმიერი კარგი მამა მოიქცეოდა, ხელს ვუწყობდი იმაში, რაც ძალიან უნდოდა“.

ბაბუნა ძვილი



ატლეთიკო ლუჩოზა ნადირობს

მადრიდის „ატლეთიკო“ სამომავალსეზონოდ მოედინის ცენტრის გაძლიერებას აპირებს და ამისთვის ევროპულ საფეხბურთო ბაზარზე ვარსკვლავებს დაემბს. „თილეები“, რომლებსაც შანსი აქვთ, გაისად ჩემპიონთა ლიგაში მოხვდნენ, არგენტინელი ლუჩო გონსალესის შეძენას აპირებენ.

სანტოს პერესი, „ატლეთიკოს“ ერთ-ერთი თავკაცი, სამშაბათს პორტუგალიაში გახლდათ, „პორტუსა“ და „სეტუბალს“ შორის პორტუგალიის თასის ნახევარფინალურ შეხვედრას დაესწრო. იგი „პორტუს“ ლიდერ ნახევარმცველ ლუჩო გონსალესს აკვირდებოდა. აქამდეც არაერთხელ ჩასულან მადრიდელები პორტუში, ლუჩო ხომ „მელებების“ დიდი ხნის ოცნებაა.

გონსალესის ყიდვის იდეას ოპონენტი არ ჰყავს — „ატლეთიკოში“ არგენტინელი ყველას იდეალურ სამომავლო ვარიანტად უღი-

არებია. პრობლემა კი, რომელმაც შეიძლება ტრანსფერს ხელი შეუშალოს, ფინანსურია — ლუჩო გონსალესი 20 მილიონი ევრო ღირს და „მელებითა“ თავკაცები, სერეზო და ხილ მარინი, ამ თანხას მხოლოდ იმ შემთხვევაში გადაიხდიან, თუ „ატლეთიკომ“ ჩემპიონთა ლიგაში მოხვედრა გაინადა. ასეთ შემთხვევაშიც კი, მადრიდელი გუნდისთვის გონსალესის ტრანსფერი ფრად სოლიდურ დანახარჯად უნდა შეეფასათ.

ლუჩო ტექნიკურად და ფიზიკურად საოცრად ძლიერი ფეხბურთელია, რომელსაც ნახევარდაცვის ცენტრშიც შეუძლია თამაში და მარჯვენა ფლანგზეც. მას „კალდერონზე“ ადრეც ეპატიჟებოდნენ და ახლა ყველაფერი იმ თანხაზეა დამოკიდებული, „ატლეთიკოს“ პრეზიდენტი „პორტუს“ თავკაცს სატრანსფერო მაგიდაზე რომ დაუდებს. გონსალესით ადრე სხვა ესპანუ-

რი კლუბი, „ვალენსიაც“ იყო დაინტერესებული. ზაფხულში „ლაპურემა“ არგენტინელის სანაცვლოდ 18 მილიონი ევრო გაიმეტეს, მაგრამ გონსალესმა მაინც „პორტუში“ დარჩენა ამჯობინა. „დრაგაზე“ ლუჩო დმერთივით ჰყავთ, იგი პორტუგალიელთათვის შეუცვლელი ფეხბურთელია.

არგენტინელი ნახევარმცველი „პორტუში“ 2005-06 წლების სეზონში მივიდა და ეს იქაურ სუპერლიგაში მისი შესაბამე კამპანიაა. ლუჩოს გვერდით თამაშობს რიკარდუ კვარესმა, ფეხბურთელი, რომელიც „ატლეთიკომ“ თითქმის იყიდა, მაგრამ ბოლო მომენტში ვარიგება ჩაეშალა. გონსალესს დიდსაფეხბურთო ევროპული გამოცდილება აქვს, რადგანაც „პორტუ“ ევროტურნირებს არ აკლდება. ვარდა ამისა, 27 წლის ლუჩო არგენტინის ნაკრების უცვლელი წევრია.

ლადო ხომერიკი

მოჯი: იუვენტუსის მამა ვიყავი



„იუვენტუსის“ ყოფილიმ გენერალურმა დირექტორმა ლუჩანო მოჯიმ იტალიური პრესისთვის მორიგი კომენტარები და რამდენიმე საინტერესო განცხადება გააკეთა.

როგორც იცით, 70 წლის მოჯი ამჟამად ფეხბურთიდან 5 წლითაა მოკვეთილი. იგი კალჩოპოლის სკანდალში ერთ-ერთ მთავარ დამნაშავედ არის მიჩნეული.

„მე იმ ბიზნესის და საქმის დაცვა მომიხდა, რომელსაც ფაქტობრივად პატრონი აღარ ჰყავდა. ჯანი და უმბერტო ანიელის გარდაცვალების შემდეგ „იუვენტუსი“ მიტოვებული დარჩა, კლუბს არც ღელა ჰყავდა და არც მამა. დიდი გასაქანი არ გვქონდა, რადგან აქციონერები კლუბში ფულს არ ღებდნენ. არც რომელიმე სატელევიზიო არხი იყო ჩვენს მხარეს.

ასე რომ, სხვებზე ერთი ნაბიჯით უკან ვიყავით. RAI „რომას“ უჭერდა მხარს, ხოლო SKY და „მედიასენტი“ ვისაც ეკუთვნის, ყველამ ვიცით. გვიხდებოდა, რაც გვქონდა, ფონს იმით გავსულიყავით და თავი ისე ძლიერებად მოგვეჩვენებინა, როგორებიც რეალურად არ ვიყავით“ — თქვა მოჯიმ.

„ბებერი ქალბატონის“ ექსპლიკტორი შემდეგ თავისი ნამოქმედარის დაცვასა და გამართლებას შეუდგა: „ნამდვილად ზედმეტად თავდაჯერებული და ცინიკური ვიყავი, მაგრამ ეს დანაშაული არ არის. უკანონო არაფერი გამიკეთებია და ამაზე არც მიფიქრია. უბრალოდ, გულუბრყვილო ადამიანი ვიყავი, რომელიც ნელ-ნელა გაიზარდა. როცა გარკვეულ სტადიამდე მივედი, ყველამ მე დამიწყო ტალახის სროლა და არ ვიცო, რატომ, მაგრამ ამან კიდევ უფრო გამზარდა“.

მან თანამედროვე ფეხბურთელებზეც ისაუბრა და მათ ჭკვიანები, ცბიერები და ხარბები უწოლა.

„დღევანდელი ფეხბურთელები უფრო კულტურულები არიან — ამბობს მოჯი — ამ მხრივ ალესანდრო დელ პიეროს გამოვარჩევი. ზღაპრად იბრაჰიმოვიჩს, პატრიკ ვიერასა და პაველ ნედველსაც ვერ წაართმევ ჭკუას. თუმცა თანამედროვე ფეხბურთელები ძალიან ხარბები არიან. თუ არ აძლევ, რასაც ითხოვენ (არადა, ზოგჯერ მართლა ვერ აძლევ), ისინი პირველივე შესაძლებლობას იყენებენ, რათა ფეხი დაგიდონ. უფროსობა უყვართ, არადა, რეალურად, დაქირავებულები არიან. ამ ფსიქოლოგიური ასპექტისა და მომთხონი ფეხბურთელების რაოდენობის გათვალისწინებით, შეჯიბრი რომ მოგვეწყო, „ინტერი“ ნამდვილად ცხრილის ფსკერზე იქნებოდა“.

სხვათა შორის, მოჯიმ ჰომოსექსუალისტ ფეხბურთელებზე საუბარს დიდი დრო დაუთმო და აღნიშნა, ფეხბურთში ჰომოსექსუალების ყოფნას კატეგორიულად ვეწინააღმდეგებით.

კოძი კანდელაკი


ტოტის მუხლი ჩქარია

„რომას“ კაპიტანი ფრანჩესკო ტოტი, რომელმაც მუხლზე ოპერაცია ახლახან გაიკეთა, სარეკორდო ტემპებში მომჯობინებას აგრძელებს. მისი სარეაბილიტაციო პერიოდი დაგეგმილზე ჩქარა, წარმატებით მიდის.


მიუხედავად ტოტის ასეთი ენთუზიაზმისა და მისი ქირურგის, პიერპაოლო მარიანის ოპტიმიზმისა, ვარაუდობენ, რომ 31 წლის ფეხბურთელი აგვისტოზე ადრე მინც ვერ დაუბრუნდება მინდორს.

საკუთარ ტრავმაზე ტოტის ოპტიმისტური განწყობა კი აქვს, მაგრამ იმას იაზრებს, რომ „რომას“ სკუდეტო ფაქტობრივად დაკარგული აქვს.

„99 პროცენტით გეტყვით, რომ ჩემპიონები ვეღარ გავხდებით. საქმე ძალიან რთულადაა, ოთხი მატჩი დაგვიჩნდა და 6 ქულა გვაქვს ამოსაქაჩი, ეს კი თითქმის შეუძლებელია, ვითარებას რეალურად უნდა შევხედოთ. ბოლომდე ვიბრძოლებ, მაგრამ წინა ტურში „ლიგორნოსთან“ ფეხი დაგვიცდა და ყველაფერი იქ დამთავრდა“ — აღნიშნა „გლადიატორთა“ სიმბოლო.



ტვენტელის განუაღმებება



„შალკე“ ახალი მწვრთნელის ვინაობა დაასახელა. პოლანდიელი ფრედ რუტენი — აი, ვინ გაუძღვება ლევან კობიაშვილის გუნდს მომავალი სეზონიდან.

45 წლის რუტენი ჯერჯერობით სამშობლოშია და „ტვენტეს“ უდგას სათავეში. მოგეხსენებათ, „ხუმა-რების“ თავკაცის თანამდებობაზე ის მირკო სლომკას შეცვლის, რომელიც ჩემპიონთა ლიგის მეოთხედფინალში „ბარსელონასთან“ დამარცხებისა და ბუ-

ნდესლიგაში „ვერდერთან“ 1:5 წაგების შემდეგ სამსახურიდან გაუშვეს.

როგორც „შალკედან“ იტყობინებიან, რუტენი საქმეს 1 ივნისიდან შეუდგება და ორ წელიწადს იმუშავებს. იტყობინებიან იმასაც, რომ მიმდინარე სეზონს „ხუმარებს“ მიკე ბიუსკენსი და იური მიულდერი ჩაამთავრებინებენ, რომლებიც შემდეგ ახალი თავკაცის ასისტენტებად განაგრძობენ საქმიანობას.

„შალკე“ გასულ სეზონში ბუნდესლიგის ვიცე-ჩემპიონი გახდა, სადღეისოდ კი, ჩემპიონატის დამთავრებამდე ხუთი ტურით ადრე, მესამე პოზიციაზეა.

რუტენზე კიდევ იმის თქმა შეიძლება, რომ 1979 წლის შემდეგ, ფაქტობრივად გაუსვლელოდ არის „ტვენტეში“. ერთადერთი პერიოდი, როდესაც მან სხვა გუნდს მიაშურა, 2002-2006 წლები გახლდათ — გუს ჰიდინკის ასისტენტი იყო პსევ-ში.

„ჩემთვის“ „ტვენტედან“ წასვლა მართლა ძალიან მძიმეა — უთხრა რუტენმა ჟურნალისტებს გელზენკირხენში გამართულ პრესკონფერენციაზე — მაგრამ მწამს, იქაურობას რაღაც კვალი დავაჩენიე. გარდა ამისა, ძალიან მეამაყება, რომ ბუნდესლიგის ერთ-ერთ უდიდეს კლუბს უნდა ჩავუდგე სათავეში“.

ბაპუნა კიდეა

კოსმოპოლიტური მიმოხილვა



დამიხედეთ სერ ალექსის! წელიწადში 363 დღე შემტევ ფეხბურთზე ლაპარაკობს, დარჩენილ ორ დღეში კი „სტიკავი თამაშები“ უწევს და ისეთ „აბ აბარონის“ აყენებს, „ინტერს“ შურისგან კანკალი ეწყება.

რატომ აკეთებს სერ ალექსი ამას? იმიტომ, რომ ჯიჯარია, შოტლანდიელი. სქოთებს ასწავლი, ერთის თქმას და მეორის გაკეთებას? — აი, ასეთი გახლავთ ჩემპიონთა ლიგის პირველი ნახევარფინალური მატჩის, „ბარსელონა“ — „მანჩესტერ იუნაიტედის“ ნახვის შემდეგ „სარბიელის“ კოსმოპოლიტური ბიუროს საერთაშორისო განყოფილების ექსპერტთა დასკვნა.

რაც შეეხება მეორე ნახევარფინალურ შეხვედრას „ლივერპულსა“ და „ჩელსის“ შორის: ვენაცვალე რიისეს! იმიტომ კი არა, რომ „ჩელსი“ მევასება, აბრამოვიჩისკენ ვარ, რუსეთის სპეცსლუჟებში ვმუშაობ და საქართველოს აფხაზეთს ვაწერავ. იმიტომ, რომ მეოთხედფინალი რომ იყო, „ლივერპული“ „არსენალთან“ ჩავიდა, დაცვიდან ითამაშა, სათავისო შედეგი მიიღო, საპასუხო შეხვედრაში შესატყვი რაღა ჰქონდა, ისევ დაცვიდან ითამაშა, ისევ სათავისო შედეგი მიიღო; მერე, ნახევარფინალი იყო და „ჩელსის“ კარში ერთი კონკილა გოლით, სათავისო შედეგს იღებდა, რის მერეც საპასუხო შეხვედრაში შესატყვი რაღა ექნებოდა, ისევ და ისევ დაცვიდან ითამაშებდა და... გაგიჟდა რიისე, ტო, ბიჭს შეტევა უნდა, ფუტბოლი, რამე, ბურთის გაგორება... ვერე, ძმაო, სად არი... აილო და გლიჯა თავის კარში!

ნუ, ეს, რა თქმა უნდა, ხუმრობით, ახლა კი სერიოზულად: თამაშის დამთავრებამდე სამი წუთით ადრე პირველი რივიდან ერთმა როჟამ რიისეს სამი თითი აჩვენა. ინგლისელ მაყურებელს ეგონა, რომ ის როჟა ამ ფეხბურთელს დარჩენილ დროს ანიშნებდა, რუსებს ეგონათ, რომ კუკიშს აჩვენებდა, სინამდვილეში კი ყურბანი მსოფლიოს თვალწინ იმან ამას „იმენა სამ მილიონს ჩავახუტებო“ აჩვენა. ხო აზრზე ხარ, ტოტალიტატორი, კოფიცინენტი, ერთიანის გატეხვა და რამე. ჰოდა, ადგა ბიჭი და ხაი თავის კარში — ვისაც არ სჯერა, თბილისის ლუბოი უბანში იკითხო.

ნუ, ხარაშო. შენ ის მითხარი, თასს ვინ აიღებს? თბილისის ერთი-ორ უბანში საქმეში ჩახედულმა მასტებმა მითხრეს, რომ წელს „მანჩესტერ იუნაიტედის“ ჯერია, მაგრამ ეგენი მანჩესტერს ბალეშიკობენ და ეშლებათ. აბა, ვინ, „ლივერპული“? ეგ იყო „ბარსა“? ეგეც ორი წლის წინ იყო! „ჩელსი“, ძმაო, აი, ვინ დაგავიწყდათ!

რომან არკადიევიჩი! ეგ ხომ იასნია — რამდენიც გადასახდელია და სადაც გადასახდელია, გადაიხდითა.

სად არის გადასახდელი? სად და იქ, საიდანაც მთელი მსოფლიო იმართება... უფრო სწორედ, მაგის სპორტულ ატლეტში. ნუ, სპორტმასონები, რა, რა ვერ გაიგე—

აბა, ერთი მითხარი, რატომ დანიშნეს ლიგის ფინალი მოსკოვში, დაენიშნათ სადმე პარიზში ან მადრიდში, თავიდანვე ხო იასნია იყო, თასს ვერც ერთის გუნდი მოიგებდა და ვერც... ნუ, მეორეზე საერთოდ ლაპარაკი ზედმეტია, „უელვეტთან“ და „მურსიებთან“ 17:15-ებს თამაშობს. მაგრამ არა, გააქანეს და მოსკოვში დანიშნეს, იმიტომ, რომ პარიზი და მადრიდი წელს ნაღდად ნეიტრალური ქალაქებია, მოსკოვი კიდევ, ბრატ, „ჩელსის“ სახლია.

ხო ხედავ? შენ კიდევ ამბობ, ჩასატანი არ ჩატანილა, გასაკეთებელი არ გაკეთებულა, მოსაპარი არ მოპარულა, მოსაწვევი არ მოწვეულა, გასატეხი არ გატეხილა, გასასწორებელი არ გასწორებულა და მისაღები არ მიღებულა.

თუ ეგ შენ არ ვითქვამს?

ბაპუნა კიდეა

P.S. იმ დღეს მითხრეს, რომ პაკრიშკა რუსული სიტყვაა. ქართულად ყოფილა ფოქრიში. თუ ასეა, როგორ არის ქართულად სტეკლოტარა და გიასოკარდონი?

ჩამპიონთა ლიგის პირობებში ნარკობიდგენი VEGA SLOT



ჩამპიონთა ლიგა 2007-2008 ნახმარაფინალი. პირველი მატჩი



კრიტიკულ რონალდუს რაც „მანჩესტერში“ ვარ, 15-16 პენალტი მექნება გატანილი და ალბათ, ერთ-ერთი გაფუჭებული

ბარსელონა 0:0 მანჩესტერი

რონალდუს ვერ გაიტანა პენალტი (3, ძელი)

ბარსელონა: ვალდესი, ძამბროტა, მარკესი, მილიტო, აბიდალი, ხავი, ტურე, დეკუ (ანრი 77), მესი (კრუიჩი 62), ეტო, ინიესტა
მწვრთნელი: ფრანკ რაიკარდი
მანჩესტერი: ვან დერ სარი, ჰარგრევისი, ფერდინანდი, ბრაუნი, ვერა, რონალდუსი, კარიკი, სქოლსონი, პარკი, რუნი (ნანი 76), ტევესი (გიგზი 85)
მწვრთნელი: ალექს ფერგიუსონი
გაფრთხილება: მარკესი (44), ჰარგრევისი (73)
მსაჯე: მასიმო ბუსაკა (შვეიცარია)
98 000 მაყურებელი

„რაც „მანჩესტერში“ ვარ, 15-16 პენალტი მექნება გატანილი და ალბათ, ერთ-ერთი გაფუჭებული — თქვა რონალდუსმა — ამაში საგანგაშო ვერაფერს ვხედავ. ხან გაიტან, ხან ვერა. თუ აქ არ გამოვივიდა, „ოლდ ტრეფორდზე“ გამოვივიდა, ჩემთან პრეტენზიებით არავინ მოსულა რადგან, ყოველთვის უკეთესად თამაშს და გატანას ვცდილობ. თუ საპასუხო მატჩში ჩვენს სასარგებლოდ პენალტი დაინიშნება, კვლავაც დავარტყამ.“
უდიდესი ტერიტორიული უპირა-

სერ ალექს ფერგიუსონმა ცხვირსასოსი ვერ იპოვა

ტესტის მიუხედავად, „ბარსელონას“ ბევრი საგოლე მომენტი არ ჰქონია, რადგან დაცვაში საკმაოდ კარგად ვითამაშეთ, თუმცა „ოლდ ტრეფორდზე“ შეტევაში ბევრად უკეთ ვარჯა მოგვიწევს. ზოგადად, ჩვენს მეტოქეზე მეტ საგოლე ეპიზოდს ვქმნით, რაც ამაჯობად არ გამოგვივიდა.
ეს ნამდვილად არ იყო „მანჩესტერის“ საუკეთესო მატჩი, მაგრამ დარწმუნებული ვარ, საპასუხო შეხვედრაში „ბარსელონა“ ისე ვეღარ გააგორებს ბურთს, როგორც „კამპ ნოუზე“.
პატრიკ ვერა რონალდუსს მხარდაჭერა სიაში ჩაეწერა: „მას არაერთხელ გაუტანია გდამწყვეტი გოლი და ვფიქრობ, „ოლდ ტრეფორდზე“ ერთ-ორს კიდევ შეაგდებს.“
ვერას კვერი დაუკრა რუნიმაც: „მან ამ სეზონში 38 გოლი მიითვალა და ეს უკვე რონალდუსს კლასზე თავისთავად მეტყველებს. ბევრ დიდ ფეხბურთელს წაუხდენია პენალტი და მოდით, ამაზე ნუ ვინერვიულებთ.“
ფრანკ რაიკარდი „მანჩესტერის“ ტაქტიკამ გააკვირვა: „მეტოქისგან ასეთ დაცვით ტაქტიკას არ ველოდი. ისინი თავს კარგად იცავდნენ და საზიფათო კონტრშეტევებით გეპასუხობდნენ. შედეგით, ცხადია, უკმაყოფილო ვარ, რადგან შინ გოლის

გატანა გემართებდა, თუმცა უგოლო ფრე საპასუხო მატჩის წინ „მანჩესტერსაც“ არ აძლევს დამსწიდელებს საფუძველს. გულშემტკივრობა დიდებული იყო და სამწუხაროა, რომ ამაზე უკეთესად ვერ ვითამაშეთ.
დღეს რამდენიმე ისეთი ფეხბურთელი გვეყავა მოედანზე, რომლებსაც ტრავმების გამო რამდენიმე კვირა გაუცდათ და ჩვეული ფორმისგან შორს არიან. ძალიან მონღო მებრძოლი იყო დეკუ, ანრისგან და მესისგან კი უფრო მეტს ველით.“
ალექს ფერგიუსონმა კრიტიკულ რონალდუსს სიტყვა შეაშველა და თავისი გუნდის მთავარი მინუსიც ასხენა: „რონალდუსს ამაჯობად არ გაუმართლა, მაგრამ ამის გამო ნერვიულობა არ ღირს. ვინ იფიქრებდა, რომ თამაშის დაწყებისთანავე ასეთი მანსი გავვიჩინებოდა. რომ გაეტანა, უკეთესი იქნებოდა, მაგრამ მატჩის შედეგით მანაც კმაყოფილი ვარ.
ჯი-სუნ პარკმა და უეინ რუნიმ მათთვის უჩვეულო პოზიციებზე ითამაშეს და ამიტომაც ვერ იყვნენ ეფექტურები. პარკი მარცხენა ნახევარმცველი იყო, რუნი კი ტევესს უნდა დასმარებოდა. შეტევაში სწრაფად გადასვლას ვერ ვახერხებდით და ბურთს ხშირად ვკარგავდით.
კარგია, რომ კარი მშრალად შევიწახვი. ბურთის ფლობაში „ბარსე-

ლონას“ უპირატესობა აშკარა იყო, მაგრამ „კამპ ნოუზე“ ყოველთვის ასე ხდება. თეორი ცხვირსასოცები ტრიბუნაზე არ დამინახავს ანუ მასპინძელთა ქომაგები „ბარსას“ თამაშით ნასიამოვნები დარჩნენ.
ვეიქრობდი, რომ რონალდუსმა მართლ მოიგებდა ამ თამაშს, მაგრამ ნახევარდაცვა სათანადოდ ვერ დაეხმარა. მიუხედავად ამისა, ყველა საზიფათო მომენტი მაინც მან შექმნა.
რაც შეეხება ნემანია ვიდიჩს, მატჩის წინ კუჭი ასტივიდა და სასტუმროს გვერდით საავადმყოფოში გადაიყვანეთ. მგონი, ინფექცია აქვს, მაგრამ „ჩელსისთან“ შაბათის მატჩისთვის ალბათ გამოკეთდება.“
ბოლო ექვს მატჩში კატალონიელებმა ოთხ გოლზე მეტი ვერ გაიტანეს, მაგრამ სამუელ ეტოლ მაინც იმედიანადაა: „ჩვენი თამაშით კმაყოფილი ვარ. როცა „ბარსა“ იმზახება, მსოფლიოში მხოლოდ რამდენიმე კლუბს თუ შეუძლია მასთან ტოლსწორად გაჯობება. დღეს ყველამ თავდაუზოგავად იბრძოლა და ვარჯენეთ, თუ როგორია ნამდვილი „ბარსელონა“. გოლი ვერ შევაგდეთ, მაგრამ ეს სანერვიულო არაა, რადგან ჩვენი გუნდის ნებისმიერ ფეხბურთელს სტუმრად ნებისმიერ მეტოქესთან შეუძლია გატანა.“

მამა ხუციფილი

იკერ კასილიას ფერნანდესს „რეალის“ შემადგენლობაში ლა ლიგას ჩემპიონობა აქამდე სამჯერ (2000-01, 2002-03 და 2006-07) მოუგია. სამეფო თეთრების მეკარეს ნლეულსაც შესანიშნავი შანსი აქვს, საპრიმერო ტიტულებს კიდევ ერთი ოქროს მედალი შემატოს — მისი გუნდი ესპანეთის ჩემპიონატის დასრულებამდე 5 ტურით ადრე სატურნირო ცხრილის ერთპიროვნული ლიდერია და მდევარ „ვილიარეალს“ ათი ქულით უსწრებს. თავად იკერს კი, შესაძლოა, „ტროფეო ზამორა“ (პრიზი პრიმერას საუკეთესო მეკარისთვის) ერგოს, თუმცა „რეალის“ გოლკიპერის აზრით, მთავარი მაინც გუნდური გამარჯვებაა. „ისე, თუ ჩემპიონობა „რეალს“ დარჩა და „ზამორაც“ მე მოვიპოვე, ამას რა სჯობიაო“ — უთხრა იკერმა მადრიდული „ასის“ კორესპონდენტს

— „რეალის“ ჩემპიონობა უკვე ახლოსაა...
— ლა ლიგას ოქროს მედალებს თანდათან ვუახლოვდებით, თუმცა ვიდრე ტიტულს ხელში საბოლოოდ არ ჩავიდვებით, მოდუნება არ შეიძლება. ისევე უნდა ვიშრომოთ, როგორც დღემდე და მხოლოდ „ბილბაოსთან“ მომავალ მატჩზე უნდა ვიფიქროთ — ბასკები „სანტიაგო ბერნაბეუზე“ საომრად ჩამოვლენ, მათი მიზანი ხომ გაისად უფვა-ს თასზე მოხვედრაა. ახლა „რეალი“ მხოლოდ საკუთარ თავზე დამოკიდებული, ჩემპიონობის მაძიებელ გუნდებთანაც სოლიდურ უპირატესობას ფლობს, თუმცა საქმე რომ არ გავირთუვლოთ, ისევე ძველებურად უნდა ვითამაშოთ. მსაიამოვნებს, როცა ხალხი ამბობს, „ბარსელონამ“ ეს პრიმერა ხელიდან გაუშვაო.
— „ტროფეო ზამორას“ მოგება არ ვინდათ?
— ცხადია, „ზამორა“ შესანიშნავი ჯილდოა, მაგრამ მე თუ მკითხავთ, გუნდურ ტიტულებს ვამჯობინებდი.



ზედმეტი ჯილდო არავის აწყენს, თუმცა მთავარი აქ მაინც გუნდური სამუშაოა. თუ ჩემპიონობის მოპოვება და „ზამორა“ ერთდროულად მიმიხერხდა, ბრწყინვალე იქნება. ოდნენ, კვლავ ვაგვიმორებს, რომ წინ გუნდურ პრიორიტეტებს ვასხენებ და არა ინდივიდუალურ ჯილდოებს. დღეს „ზამორაზე“ მეტად პრიმერას თაოსნობა მაინტერესებს.
— ყველაზე მეტად რომელი მატჩის შემდეგ იგრძენით, რომ წლებულს ჩემპიონობა „რეალისთვის“

მეტოქეებზე უფრო ადვილად მისაღწევი იქნებოდა?
— სეზონის გარდამტეხი მომენტი, ალბათ, უფრო „უელვასთან“ მატჩი იყო. იქამდე რამდენიმე თამაშში „რეალმა“ „მიიძინა“. ისე, მთელი სეზონის განმავლობაში ლიდერები ვიყავით, სტაბილურად ვითამაშეთ და ცხრილში ჩვენი დღევანდელი ადგილიც დავიმსახურეთ. კარგად ვიმუშავეთ, რასაც შედეგები მოწმობს.
— სიბელესის შადრევანზე რაუ-

ლთან ერთად „რეალის“ აღმის დასამარგებლად რატომ არ ახვალთ?
— რაული „რეალის“ კაპიტანია და მას ევალება, სიბელესს სამეფო გუნდის სიბოლიკიანი შარფი შემოახვიოს. დამსახურებით ამ პატივს ყველა ვიმსახურებთ, მაგრამ გუნდში არსებობს იერარქია, რასაც პატივი უნდა ვცეთ. ჩემზე წინ, რაულთან ერთად, ხოსე მარია გუტიერესი და მიჩელ სალგადოც არიან. საზიფოდ წამს ყველას ვეინდა სიბელესზე ასვლა და იქ ჩემპიონობის ზეიმი, მაგრამ ეს ერთმა კაცმა, გუნდის კაპიტანმა, რაულ გონსალეს ბლანკომ უნდა გააკეთოს.
— თქვენი მწვრთნელი ბერნდ შუსტერი ამბობს, რომ „რეალს“ მსოფლიოში საუკეთესო დაცვა ჰყავს. ეს მართლაც ასეა?
— ალბათ, ერთ-ერთი ყველაზე საუკეთესო უკანა ხაზი გვეყავს მსოფლიოში. არიან ფეხბურთელები, რომელთაც ცხვზდასხვა პოზიციებზე ერთნაირად კარგად თამაში შეუძლიათ და ამის გამო ჩვენი დაცვა საკმაოდ სოლიდურია. თანამედროვე „რეალის“ მცველების წყალობით, თავს ისე უსაფრთხოდ ვგრძნობ, როგორც არასდროს.
ლადო ხოშიერიძე



Table with columns for time, program name, and numerical ratings (1, X, 2, 1-X, 1-2, X-2). Includes programs like 'კუპოლი-ტურკუ', 'პონკა-მიოპა', etc.

Table with columns for time, program name, and numerical ratings. Includes programs like 'ჰოლანდია. თასი', 'ფეინლორდი-როდა', etc.

Table titled 'I ტაიმის შედეგები' (I Time Results) with columns for program name and numerical ratings. Lists various programs like 'პამბურგი-შალკე', 'კარლსრუე-ვერდერი', etc.

Table titled 'I ტაიმი/კირითალი დრო' (I Time/Quota Time) with columns for program name and numerical ratings. Lists various programs like 'პამბურგი-შალკე', 'კარლსრუე-ვერდერი', etc.

ბრაზილიელთა ქართული ფიქრი: ჯერ ოქრო და მერე ვიღი

პლაჟის ფრენბურთში, ჩვენს წყვილს რენატოს და ჟორჟის, იგივე გეორ-გიას გუშინ მეორე „ქართული“ დღე ჰქონდათ. ქართულპასპორტიანი ბრაზილიელები უკვე ორი წელია, რაც საქართველოს სახელით თამაშობენ და პეკინის ოლიმპიადის საგზური პრაქტიკულად განადგებული აქვთ, რადაც სასწაული უნდა მოხდეს, გეორ-გიამ პეკინში რომ ვერ ითამაშონ. ვთქვით, რომ გეორ-გია ორი წელია, რაც საქართველოს სახელით თამაშობენ, აქ კი პირველად გუშინწინ ჩამოვიდნენ სატელიტურ ტურზე სათამაშოდ, რომელსაც თბილისის მერიის თასი ჰქვია. გუშინ გეორ-გიამ ძირითად ბადეში სამი მატჩი მოიგეს და დღეს ნახევარფინალი ელით. თბილისის მერიის თასი ქსნის ქუჩაზე სასტუმრო-რესტორან „ოდას“ ტერიტორიაზე მიმდინარეობს. ნახევარფინალი დღეს 11 საათზე დაიწყება, ფინალი კი საღამოს, 17 საათზეა. ფრენბურთობის შემდეგ რენატომ და ჟორჟიმ საჯარო რეესტრში შეიარეს და ახალი პირადობის მონაწილეები აიღეს. მერე გეორ-გია საქართველოს სპორტის დეპარტამენტის თავმჯდომარემ დავით ნამგალაურმა ისტუმრა, დეპარტამენტიდან კი ოლიმპიურ კომიტეტში გადაინაცვლეს, სადაც გეორ-გიას ოლიმპიური კომიტეტის გენერალური მდივანი

ემზარ ზენაიშვილი ოჯახში დანურული ღვინით გაუმასპინძლდა და ჩვენი ოლიმპიური კომიტეტის სამკერდე ნიშნებიც აჩუქა. გეორ-გიას ჩვენც სახელდახელოდ გავესაუბრეთ

— გუშინწინ გვიან ღამით ჩამოვრინდით, დღეს კი ასე თუ ისე დაათვალიერეთ ქალაქი. მოგწონთ აქაურობა?

ბია: ძალიან, განსაკუთრებით თბილისის არქიტექტურით ავლფროტოვანდი, იშვიათი სილამაზის ქანდაკებები ვნახე.

ბეორი: თბილისს ერთი ნახვით ეტყობა, რომ ისტორიული ქალაქია. მთელი მსოფლიო შემოვლილი მაქვს, მაგრამ ასეთი ისტორიული ძეგლები არსად მინახავს. განსაკუთრებით ეკლესიების და ტაძრების სიმრავლემ გაამაზარა.

— როგორც ვიცით, მორწმუნე ხართ?

ბეორი: მე კათოლიკე ვარ და რელიგიურად ვცხოვრობ. დღეს ვერ მოვახერხე ეკლესიაში შესვლა და სათნოს დანთება, ხვალ კი აუცილებლად შევალ აქაურ კათოლიკურ ეკლესიაში.

ბია: მე ნახევრად კათოლიკე, ნახევრად პროტესტანტი ვარ. ჩემი მეუღლე პროტესტანტია და არც მასთან, არც რენატოსთან ამის გამო პრობლემა არა მაქვს. ვლავოს „რენჯერსივით“ და „სელტიკით“ კი არ ვართ, პირიქით, საუკეთესო მეგობრები გახლავართ.

— მეუღლე ახსენე და როგორ ეგუება თქვენს ხანგრძლივ მოგზაურობას?

ბია: ჩემი მეუღლე მოდელია, მან იცის, რომ სპორტსმენის ცხოვრება რთულია. თვეში ორ კვირას თუ ვატარებ სახლში, დარჩენილი დრო ტურიდან ტურზე სიარულს ვუნდები. მეუღლე ამას შეგუებულია და ყველანაირად მიწყობს ხელს. პეკინის ოლიმპიადის შემდეგ კი ყოველდღე შვილის გაჩენაზე ვიფიქრებთ. ახლა, ამისთვის არ მცალია.

ბეორი: მე მეგობარი ვოგონა მყავს და პრინციპში ცოლ-ქმრობა მდე არც არაფერი გვაკლია. ოლიმპიადის შემდეგ ამასაც მოვამბ თავს.

— გუშინ გვითხარით, რომ ოლიმპიადიდან უმეღლოდ არ დაბრუნდებით. ამისი ალალად გვერათ?

ბია: მეტიც, სულაც ჩემპიონობაზე ვფიქრობთ, რაც სავსებით რეალურია. ახლა გამოკვეთილი ფავორიტი ბრაზილიური წყვილი რიკარდო და ემანუელი არიან. მათ ათენის ოლიმპიადაც მოიგეს და რამდენჯერმე მსოფლიოს ჩემპიონობიც გახდნენ. ბრაზილიაში ჩვენ მათთან ერთად ვვარჯიშობთ. მწვერთელიც საერთო გვყავდა და მათი პლიუს-მინუსებიც ვიცით. მსოფლიო ტურებზე ორჯერ უკვე მოუვგეთ მათ, მართალია, ხშირად ისინი გვჯობნიან, მაგრამ დაუმარცხებლები არ არიან. ამაში რენატოც დამეთანხმება.

ბეორი: თითქმის ყველა კონკურენტისთვის მოგებული გვაქვს და ოლიმპიადამდეც იგივეს ვაპირებთ. საერთოდ, მსოფლიო ტურები და ერთი კონკრეტული ტურნირი, როგორც ოლიმპიადაა, სპეციფიკით განსხვავდებიან. ჩვენ ისე გვაქვს გაწერილი მოსამზადებელი ეტაპი, რომ ფორმის პიკზე სწორედ ოლიმპიადისთვის უნდა ვიყოთ.


— ოთხ დღეში პეკინის მსოფლიოს თასზე ითამაშებთ...

ბია: ოლიმპიადის ლიცენზია პრაქტიკულად განადგებული გვაქვს, მაგრამ პეკინის მსოფლიო თასს სერიოზულად მივუდგებით, ვეცდებით, საპრიზო ადგილები დავიკავოთ.


ბეორი: თანაც ეს ძალიან კარგი საშუალებაა, იქაურობას გავუშინაურდეთ და აკლიმატიზაციის პრობლემა წინასწარ მოვავაროთ.

გეორ-გიამ აქ მოვკიბიდიშეს გვეჩქარებო და „ავთანდილს“ მიაშურეს, სადაც ოლიმპიური კომიტეტის დაკვეთით მათთვის საოლიმპიადო სამოსი უნდა შეეკრონ.

ბაჩო სვანიძე
ბადრი კმთილაძის ფოტოები



გეორ-გიამ ახალი პირადობის მოწმობები და ემზარ ზენაიშვილისგან სამკერდე ნიშნები მიიღეს



რენატო და ჟორჯი „ავთანდილში“

